

清

史

稿

清史稿

列傳二百十五

秦定三

鄭魁士

傅振邦

邱聯恩

黃開榜

陳國瑞

郭寶昌

秦定三字竹坡湖北興國人道光六年武進士授二等侍衛出爲廣西桂林營游擊洊擢貴州鎮遠鎮總兵三十年平湖南李沅發之亂賜號愨勇巴圖魯咸豐元年率貴州雲南兵赴廣西剿匪克武宣三里城賊營進剿象州以賊竄逸坐覆花翎降三級留任尋連破賊馬鞍山竹園村復之偕副都統烏蘭泰破賊新城又奪雙髻山豬仔峽要隘被嘉獎又擊賊於永安州力戰受傷二年破水竇賊壘賊棄永安潰圍走禽賊首洪大泉賊趨桂林定三偕烏蘭泰追之急不暇結營而戰定三止之勿聽烏蘭泰以傷歿定三代將其軍克花礮桂林尋解圍以保守省城被優叙追賊入湖南破賊於道州桃花井五里亭龍安橋進援

長沙總兵和春營妙高峰爲賊所圍定三分兵襲賊營得解尋賊竄岳州定三坐不能過賊革職留任進授武昌戰於洪山三年賊浮江東下向榮率大軍由陸路追之令和春及定三爲前鋒甫至九江而江寧已陷諭月大軍始至迭戰城下賊堅壁以拒四年賊分黨陷廬州和春疏調定三及鄭魁士率所部往助剿時廬州久爲賊踞旁縣並陷定三連戰破賊復六安屯三角井會江寧賊分黨入安徽圖北犯以援畿南竄匪道經舒城賊首羅大綱石達開胡以晄秦日昌等合衆數萬四路來撲定三所部僅二千堅守十餘日陣斬羅大綱賊始挫引去定三集團勇攻舒城悉破城外賊壘又伺賊出截擊連破之圍之數月六年賊營火藥自焚乘其亂薄城奮攻梯而登遂復舒城燬賊四千餘予騎都尉世職進屯軍鋪賊自廬江桐城分路來犯定三往來馳擊大破之復五河廬江二縣進規桐城奪小關下關白河嶺諸隘屯陳家鋪是年冬賊由安慶來援定三血戰十八日賊乃退又破賊於桐城北門外燬其城樓擒匪獲河南詔定三赴蒙城亳州會剿以鄭魁士代任桐城軍事巡撫福濟疏言定三圍攻方得手

留之改以魁士援北路而魁士軍已至定三初與魁士同列及和春赴江南督師魁士會辦安徽軍務權位出定三上又因爭餉定三心不平上疏劾之福濟所恃惟兩軍難左右袒軍飢且渙七年春賊又陷廬江進犯桐城官軍爲所圍不戰而潰坐視翎頂文宗知定三頻年苦戰收非其罪原之故薄譴命赴江南大營隸和春軍屯句容大軍方攻鎮江令移駐溧水以遏援賊尋卒於軍詔念前勞依例賜卹諡恭武郝光甲直隸任邱人道光十八年一甲一名武進士授頭等侍衛出爲山東撫標中軍參將巡撫李德麟之超擢陝安鎮總兵咸豐三年率陝甘兵援山東從解懷慶圍追賊至山西破之於平陽賊入畿輔光甲從勝保追勦陝甘總督舒興阿勦賊河南互相爭鬪光甲以擅自移營視職尋隨舒興阿援安徽其軍改隸秦定三戰舒城迭破賊詔予三品頂戴署陝安鎮總兵從克廬州復舒城復總兵頂戴賜花翎尋調赴河南勦捻誤往徐州被劾革職留營擊穎州捻匪於江集禽捻首王鳳林復以調赴蒙城遲延降二級七年援桐城兵敗歿於陣詔復原官依總兵賜卹予騎都尉世職諡武節

鄭魁士直隸萬全人由行伍洊擢湖南提標守備道光三十年平李沅發之亂擢鎮軍鎮標都司從提督向榮赴廣西勦匪屢捷賜花翎擢湖南九谿營游擊以參將升用咸豐二年守桂林援長沙擢副將賜號沙拉瑪巴圖魯援武昌遂從向榮追賊沿江東下以違軍令被劾職留營尋戰江寧有功給都司翎頂四年提督和春調率所部赴廬州進攻屢捷復其職尋著安徽壽春鎮總兵廬州數縣皆陷府城賊衆糧足殊死守和春一軍倚魁士及秦定三二人定三分兵攻舒城而廬州軍事專恃魁士圍攻歷年餘安慶江寧援賊屢來援皆擊走至五年冬攻愈急魁士潛至城下以雲梯登城克之被優叙加提督銜六年春追賊至三河焚其巢而擒匪日熾魁士率兵赴宿州擊破之乃分路竄入河南境巡撫英桂疏請魁士赴援永城和春方倚辦皖賊疏留令往來策應於是迭擊擒匪於懷遠茅塘集河溜等處禽其酋赫澂等四十餘人又破之於蒙城焚其積聚駐守懷遠賊分隊來犯魁士被圍力戰身被二十餘創卒破賊解圍去詔嘉其勇賜黃馬褂又督團練敗賊於太和會和春督師江南詔安徽軍務以

魁士繼任會同巡撫福濟督辦實授壽春鎮總兵迭克舒城廬江無爲下部優敘頒賜御用衣服及珍物又以魁士躬冒鋒鏑被創甚劇特詔嘉獎賜藥調治先後分兵復和州潛山先是秦定三攻桐城賊堅守不下魁士往會剿迭戰並擊退援賊時悍賊石達開往來桐城安慶勢甚張又勾通捻匪蔓延皖豫之間詔秦定三移兵蒙城勦捻尋又留攻桐城以魁士代之會同河南巡撫英桂節制三省剿捻之兵而桐城兵事方棘福濟復疏留不遣值歲荒餉匱定三軍原取給地方捐給魁士兵至悉取轉供定三疏爭福濟一無措置兩軍遂成水火詔促魁士速赴蒙城亦迄未行七年春廬江潛山連陷賊由安慶大舉來犯城賊突出官軍飢疲不相顧不戰潰圍而走於是詔視魁士翎頂罷其剿捻會辦歸福濟節制退保廬州粵捻各匪會合來犯魁士迎擊挫之復翎頂尋克桃嶺派河進扼全椒滁州以杜北竄八年調赴江南大營授浙江提督督辦軍國軍務九年克灣沚進剿貴池南陵尋命駐防高淳東壩十年以傷病乞假詔斥屢次退却以總兵降補從漕運總督袁甲三剿賊授甘肅寧夏鎮總兵十一年以

病能尋召來京候簡同治五年擒匪北犯命赴直隸東路協剿六年署直隸提督八年乞病歸十二年卒大學士李鴻章疏陳魁士久於軍事堅苦剛毅疊受重傷詔依例賜卹設忠烈

傅振邦山東昌邑人道光十六年武進士授三等待衛二十三年出爲湖南長沙協中軍都司署鎮草游擊三十年從平新寧土匪李沅發受槍傷賜花翎實授游擊咸豐二年赴援桂林三年從向榮追賊抵江南擢湖南撫標中軍參將以圍攻江甯功賜號紳克托巴圖魯四年擢貴州定廣協副將署江蘇徐州鎮總兵賊由蕪湖犯東壩陷高瀍向榮令迎擊敗之復其城又借鄧紹良克太平府徧秣陵破賊於采石磯六年莅徐州署任捻酋張洛行夏白任乾園宿州振邦敗之夾溝符離解城圍再敗張洛行於瓦子口毀其巢擊退蒙城賊於灘口又借伊興額破捻酋紀學中王得六於永城鐵佛寺毀柳集臨渙集賊巢禽紀學中實授徐州鎮總兵會江南大營失利命振邦馳援借總兵明安泰秦如虎破賊東壩進攻溧水七年克之又破賊湖墅追至龍都借張國樞克句容加

提督銜八年授寄國拔灣沚黃池郡城解嚴四月回軍徐州命幫辦袁甲三軍務時捻匪盛起振邦馳逐江北皖豫之間禽石得珍於山套覆李大喜於符離蹙孫葵心於茨河歸德陳州均肅清以提督記名九年命代袁甲三督辦三省勦匪事副都統伊興額副之尋復命幫辦欽差大臣勝保軍仍留督辦三省勦匪事滄北捻渠劉添福糾衆三萬圍剛練苗沛霖營振邦馳救毀賊壘二十四乘勝攻滄南陣斬賊酋任乾夷其圩授雲南提督蒙城王家圩諸圩聞任乾死俱乞降獨灑南板橋集賊陸連科負隅久抗振邦設計招降黃家圩李華東爲內應禽陸連科誅之灑南北六十餘圩悉就撫六月賊陷定遠振邦馳援破賊於宿州賊竄固鎮破之於方家坎渡口孫葵心竄唐家寨窺濟甯截擊之賊退走十年詔袁甲三代勝保爲欽差大臣振邦專任徐宿剿匪事捻匪屢窺徐宿其老巢袁徐兩圩跨滄南河北振邦進剿連破其衝要臨渙韓村趙家海張圩餘多自拔就撫遂渡滄河攻袁圩捻酋劉添福自豫回竄擊敗之再破之褚莊邱家圩檳城五戰皆捷殲賊六千有奇禽其酋任護任大牛東路捻匪擾宿遷

睢寧振邦戰於苗村大破之閏二月偕田在田克閻圩禽任虎鄧三摩等誅之復破援賊禽李大喜四月連克澮南解溝五溝任圩賊巢斬賊目李四喜任友得三十餘名收撫童亭藕池四十二圩五月會攻袁圩擒酋劉添祥等大舉來援分軍擊之而永城擒萬餘直趨童亭窺孫疇大營振邦令副將魏耀倫擊敗其衆禽擒首趙學煥等七月拔蒙城西洋集賊圩十四頑毫擒首姜台浚等北竄澮南扼險截擊禽賊目百餘尋因傷發請假回籍醫治允之十一年命督練民團防堵登萊青三府振邦病未已疏辭防堵請專任團練報可是年冬命來京候簡同治元年勝保奏調振邦幫辦皖豫軍爲山東所留不果行二年僧格林沁調統前軍從攻淄川白蓮池援蒙城三年從破捻酋張總愚爲湖北隨州四年以疾告歸未幾疾愈留督軍青萊移扼張秋河防六年會剿直隸梟匪賊降復叛視翎頂尋破賊夏津復之五年西捻平補直隸提督光緒六年調湖北九年以傷發回籍未幾卒於家賜卹諡剛勇

邱聯恩字偉堂福建同安人浙江提督良功子襲男爵授乾清門侍衛道光二

十三年出爲直隸通州協副將調河間協咸豐四年從勝保剿粵匪於靜海李家莊擊敗之又破梁頭孫家莊賊營擢南陽鎮總兵剿光州捻匪禽其渠丁心田賜花翎五年捻首李世林敗死其黨易添富糾汝陽息縣諸匪戕烏龍集州判陷息縣據光山聯恩督兵圍攻賊宵遁追擊大破之斃賊千餘禽斬王黨黃五雷等六年皖捻首張洛行龔瞎子等擾歸德聯恩問道赴援甫至賊三路來撲擊走之尋以進勦遲延革職留營連破賊於穀熟集界清集殲斃甚衆進剿亳州五馬溝大破之殲賊千餘禽賊目三十餘人復原官其冬襄樊土匪起入河南陷鄧州內鄉聯恩馳擊復其城殲賊渠朱中立等轄境得安七年春張洛行擁衆掠光州固始分據洪河南北勝保大軍扼北岸聯恩率兵千餘擊南岸進攻方家集賊巢五月諸軍合擊聯恩直趨賊壘破圩而入乘勝追殺焚洪河橋兩岸賊皆潰殲斃三千餘是役功最賜號圖薩爾巴圖魯九月剿角子山捻匪都統德楞阿敗賊確山聯恩乘勝躡擊賊竄沁陽嵩縣諸山中搜捕數月賊氛始清八年回軍援固始圍尋解粵匪犯湖北陷麻城聯恩扼沙窩坊虎頭關

防光山商城一路十月擒首孫葵心竄周家口聯恩破之槐店九年春張洛行
與瞎子復擾歸德聯恩馳援連破之追至五溝營賊分爲二其東竄者分兵擊
潰於商水南而自躡其西孤軍獨進巡撫恒福勅其追賊遲延革職留營賊犯
西華進擊解其圍追至舞陽北舞渡日已暮人馬皆未食遇賊奮戰進至殺虎
橋賊騎四面兜圍聯恩身被重創馬仆步戰手殺十餘賊力竭死之詔復原官
依提督陣亡例優卹予騎都尉並一雲騎尉世職設武烈南陽同安並建專祠
無子以族子嗣炳忠襲男爵炳炳義襲世職

黃開榜湖北施南人初入湘軍從塔齊布戰武漢蕪黃間累擢至都司咸豐七
年從勝保剿捻匪克正陽關擢游擊八年借副都統穆騰阿戰馬頭關榜失利
褫翎頂復六安加副將銜九年正月會豫軍毀潁上南照集賊巢率水師攻蚌
埠長淮衛戰七晝夜獲賊船百餘斃賊千餘又焚賊舟糧破懷遠水路諸卡毀
文昌關賊壘殺賊甚衆賜號勤勇巴圖魯合諸軍擊退援賊直抵懷遠城下先
登復懷遠擢副將十年袁甲三圍鳳陽開榜會攻爐橋擒首張洛行來援會諸

軍夾擊破之賊曾鄧正明潛乞降規府城虛實開榜請衆師城外示以兵威總兵張得勝誘禽賊首張隆令縛獻賊曾悍黨十四人磔於市開榜梟張隆首示城賊賊衆縛獻其曾乞降誅悍者三百餘人餘遣散歸業功最以總兵記名借總兵田在田等破賊王家營復清江浦遂駐防江寧大營潰降賊薛成良叛入邵伯湖開榜借副將劉成元等燬賊船三百餘艘賊殆盡成良赴水死加提督銜授江西九江鎮總兵十一年攻天長豐平賊學同治元年擒匪竄寶應開榜督礮船擊走之又敗賊於山陽汊河借道員張富年破賊宿州觀音寺仁和集禽賊曾王春玉於邳州拔貓兒窩賊柵僧格林沁勅開榜飾詞冒功下漕運總督吳棠按究得白薦統徐宿軍兼節制水師二年攻長城賊堡克之收撫附近諸城破鄆家花園係贖賊巢以提督記名岑匪渡江北犯開榜扼高郵賊掠船渡湖犯天長開榜往援焚賊復軍於隄上賊列陣以拒開榜令副將龔雲福由陸路迎擊參將陳浚家率礮划潛出小河口轉戰而前與長城兵夾擊破賊於三汊河天長圍解提督楊岳斌復江浦浦口開榜破七里洲賊壘焚船六十餘

艘助攻九洲拔之開榜奉調赴臨淮借總兵普承堯平七里河岸賊壘二年率所部師船防通州江甯平四年赴九江鎮任十年卒諡剛愨

陳國瑞字慶雲湖北應城人年十餘歲陷賊中出投總兵黃開榜收爲義子冒姓黃氏在軍每戰衝鋒咸豐九年從攻懷遠率七人夜渡河攀堞先登擲火燔譙樓斬悍賊十餘人師畢登遂克懷遠自是以勇聞欽差大臣袁甲三進圍定遠擒首李光等來援國瑞陷陣脅中槍裹創力戰賊辟易乘勝破二圩賜號技勇巴圖魯奉檄援壽州中途聞賊犯鳳陽回軍夜往連破賊壘立解圍超擢游擊十一年江皖賊合衆窺揚州國瑞馳勦湖西屢破賊加副將銜同治元年春擒匪犯淮安國瑞率五百人繞出賊後與總兵龔耀倫夾擊賊驚潰馬賊悉遁步賊萬餘回拒國瑞借總兵王萬清合戰破之再破賊黨李城於版橋賊由衆興集撲清江浦擊走之以礮船三十遏運河夜襲桃源北岸破賊圩四直取衆興拔十餘壘擢副將三月率步卒八百敗賊於涇河轉戰至新河賊逼隄而陣國瑞麾隊猛進手然礮燈執旗賊目斬級千餘以總兵記名進勦泗州擒首韓

老萬敗之四月戰於邳州新村擒衆亘三十里國瑞分三路迎擊斬賊渠王春玉擲其首賊陣中賊駭亂夜冒雨襲破其三營別賊趨救昏暗不辨自相殺乘勢燬之殲數千擒勢遂衰時山東棍輻各匪騰集郟城漕運總督吳棠檄國瑞進剿連克數圩斃悍酋孫化詳餘黨多就撫五月會攻兗州鳳凰山約副將郭寶昌參將康錦文分路設伏躬率小隊抵白蓮池誘賊出伏發截賊隊爲二禽悍匪劉雙印綠匪先登諸軍繼之克鳳凰山戮逆首宋維鵬等賜黃馬褂頭品頂戴國瑞呈請歸宗復陳姓會苗沛霖叛僧格林沁移剿檄國瑞先發漕運總督吳棠奏請國瑞幫辦軍務國瑞至蒙城先襲破紅里賊圩以通糧道繼克王圩越重濠進逼賊巢皖軍總兵宋慶會攻國瑞以賊壘連屬不易下密令郭寶昌自全家集鳧水支浮橋宋慶守之親引軍渡河焚賊糧屯連破數壘沛霖夜遁爲人所殺淮甸平以提督記名三年授浙江處州鎮總兵屯正陽關僧格林沁剿擒湖北不利檄國瑞赴援坐遷延降三級調用奪所部隸郭寶昌國瑞舛望人言其將反八月國瑞率千餘人謁僧格林沁於光山請爲前鋒借翼長成

保等勦柳林大小諸寨深入失利國瑞力戰兩晝夜始突圍出追賊蘄水蘄州羅田廣濟屢捷賊竄英山霍山合諸軍戰於土漠河殲斃數千生禽數百時羣賊因江甯已克降散過牛敘功復原官四年正月翼長恆齡追賊至魯山遇伏與副都統舒倫保等同日陣亡國瑞力扼橋口餘衆得還賊犯襄城國瑞乘夜大雪出賊不意火其壘賊潰走時賊被剿急來往飄忽僧格林沁率騎軍窮追國瑞部隊從其後三月遇賊於確山與諸軍合擊大破之賊僅餘馬隊由遂平西平直走睢州過舊黃河入山東境僧格林沁以國瑞與郭寶昌戰最力奏賞所部軍士各銀五千兩又請獎寶昌遇提督簡放詔謂國瑞確山之戰最出力命酌量保奏賊從臺莊渡運河遂趨江北國瑞躡之屯沭陽四月賊復折入山東僧格林沁戰於曹州兵挫遇害詔罪諸將不能救護國瑞以受傷免議素恃功桀驁自僧格林沁外罕聽節制曾國藩奉命督師諭戒甚切飭赴援歸德至濟甯與劉銘傳交惡發兵爭鬪殺傷甚多踞長清相持不下詔嚴斥之亦未加之罪國藩疏論曹州之役國瑞與郭寶昌分統左右兩翼寶昌革職罕問國瑞

不應倖免遂撤去幫辦軍務褫黃馬褂暫留處州鎮戢罪立功尋養病淮安登
縱恣不法欲殺養子振邦漕運總督吳棠勅其病癒褫職押送回籍收其鹽本
田產充公存銀二萬五千兩儲湖北官庫分年付資生計母令失所俟其病痊
奏聞既而病痊置吏張之萬譚廷襄等交章論薦召至京予頭等侍衛六年春
擒匪張總愚猝犯畿南命率師迎擊國瑞兩晝夜馳抵保定詔嘉之數敗賊追
至河南境行軍輒自由不聽節制所部尤無紀律屢被彈劾擊賊於濟陽德平
皆捷洎擒平悉復原職黃馬褂勇號予雲騎尉世職以傷發乞假居揚州李世
忠與有嫌相閔世忠縛請舟將斃之曾國藩劾世忠革職國瑞降都司勒令回
籍國瑞復潛至揚州因總兵詹啟綸毆斃胡士禮獄牽連論罪戍黑龍江逾數
年朝廷猶念舊功以詢大學士李鴻章鴻章謂其情性未改精力已衰遂不復
用光緒八年歿於戍所給事中鄧承修山東巡撫福潤安徽巡撫沈秉成湖廣
總督張之洞先後疏陳職績詔允復官並於立功諸省建專祠

郭寶昌安徽鳳陽人投效臨淮軍中從戰數有功尋改隸陳國瑞楚勝軍咸豐

十一年國瑞擊擒匪於高郵寶應寶昌率驍健十八人爲前鋒陷陣得捷又率兵三百破賊於天長龍崗據守備賜花翎同治元年正月擒酋李成任桂等犯清江浦楚勝軍禦之戰車橋鎮賊分衆劫淮關寶昌追截奪還所劫稅銀數萬兩賊奔還衆興集寶昌潛師夜襲連破二十餘壘賊引去擡游擊賜號卓勇巴圖魯擒黨劉添福等糾餘匪撥泗州山東棍匪亦響應寶昌連破之汜河沙浦莊匪勢漸衰二年匪首孫化祥就禽積功游擢副將楚勝軍名益著僧格林沁調令助剿白蓮池鳳凰山從陳國瑞迭出奇兵力戰生禽賊首劉雙印斬其黨劉金春等於陣任柱糾棍匪教匪諸黨來援並擊走之白蓮池平論功以總兵記名移軍剿苗沛霖寶昌偕陳國瑞先至攻破王家圩渡河築三壘與賊對峙斷其餽運賊悉銳來爭擊卻之賊氣奪大軍至諸圩以次下沛霖走死加提督銜三年調援湖北與陳國瑞分軍名曰卓勝營始獨當一面八月粵擒諸匪由湖北入安徽至英山東北寶昌合諸軍敗之黑石渡賊首馬融和擁衆十萬議投誠未決寶昌單騎入其營曉譬禍福融和即日降事聞賜黃馬褂四年從僧

格林沁轉戰楚豫之交功多特奏保提督記名尋以曹州之敗詔斥不能救護
主將革職遣戍新疆五年曾國藩喬松年奏請免發遣留營效力六年從喬松
年赴陝西偕提督劉松山剿回匪於臨平克之擒魁張總愚率衆萬餘犯富平
寶昌縱間伺隙出奇襲之令部將宋朝儒等設伏村墟自率親軍挑戰伏起來
擊斬賊數千又敗賊於大荔大漆復原官勇號進復綏德州授安徽壽春鎮總
兵七年春擒匪由山西河南直犯畿輔寶昌馳援日行百餘里抄出賊前抵保
定賊至見官軍盛引去晉號法凌阿巴圖魯躡賊入河南敗之封邱黃河套張
總愚匿村舍中寶昌單騎獨出突遇賊受傷墮馬部將宋朝儒翼之出事聞予
假兩月調理賜尙方珍藥未幾擒匪平復黃馬褂以提督簡放予騎都尉世職
命從左宗棠赴陝西剿回匪八年傷愈西行破賊於宜川平綏德州叛卒回匪
東趨命赴山西防河九年河西土匪起寶昌渡河擊破其衆率檄搜捕北山土
匪悉平十年赴壽春鎮任十一年霍邱蔡家集土匪李六倡亂率輕騎百人往
勦踈渠魁而還事定加頭品頂戴光緒二年平永城渦陽土匪被優敘寶昌勦

授功最多鎮壽春先後三十年淮北特爲保障調廣東南韶鎮未任尋還故官
俄羅斯法蘭西日本三次開兵疊調防南北事定仍回本任二十六年卒於官
賜卹

論曰秦定三鄭魁士並向榮得力之將和春克廬州悉賴二人遂與皖事終始
桐城之潰由於爭餉不和亦貴臣無調度之方以致之傅振邦老於軍事持重
無失邱聯恩名將之子在豫軍中最號忠勇陳國瑞勇足冠軍剽悍不受繩尺
不能以功名終郭寶昌戰績亦與並稱材武不及而器量差勝焉

清史稿

列傳二百十六

江忠義

周寬世

石清吉

余際昌

林文察

趙德光

張文德

江忠義字味根湖南新甯人忠源從弟咸豐二年忠源率楚勇援長沙忠義年十八從軍轉戰湖北江西忠源殉難廬州遂分將其軍五年從提督和春復廬州擢知縣七年劉長佑援江西攻臨江不利時忠義在籍巡撫駱秉章檄率新練勇千人往助之至則破石達開於平城臨江既克擢知府賞花翎八年克崇仁進攻新城五戰皆捷加道銜江西肅清凱歸九年石達開犯永州忠義赴援連戰破之擢道員又敗賊新寧摩阿嶺扼武岡賊圍寶慶忠義進援會諸軍迭戰解圍賜號額爾德木巴圖魯十年駐守綏靖母病歸賊遂陷綏甯城步圍武岡忠義聞警分軍守新甯自援武岡破其衆新甯之賊走踞東安一戰克之加

按察使銜又破賊於甯遠四广橋十一年春連破賊於全州白芒營宜章栗源堡還軍屯新甯遣參將江忠朝扼全州賊目余成義斬其酋以降加二品頂戴特擢署貴州巡撫石達開復自粵竄楚衆號十萬忠義以三千人扼會同大破之賊糾湖北來鳳賊蔡肆擾擊走之遂克來鳳達開走入四川十二月丁母憂請終制詔允開署缺仍在湖南剿賊同治元年移師授黔克天柱改授貴州提督調授廣西克修仁殲賊渠張高友皖南賊熾曾國藩疏調授皖廣西巡撫劉長佑請留不遣命署廣西提督二年江西廣東皆調授先後報可忠義以廣東兵有餘糧他將足辦賊江西饑絀兵單賊數十萬萬一不支東南全局瓦解乃奏請力援江西檄道員席寶田率前部先發會剿陶家渡自將攻湖口逼賊營屢出奇兵抄擊斷文橋攻太平關賊酋黃文金受重創遁去賜黃馬褂進授青陽分三路進戰破賊坐圍解太平石埭甯國諸城賊次第出降詔嘉獎予優叙會疾作返就醫南昌未至卒於吳城年甫三十優詔悼惜依總督例賜卹贈尙書銜諡誠恪立功地建專祠光緒十一年加贈太子少保從弟忠珀配名提督

同治八年剿貴州苗攻克鎮遠府衛二城中賊亡餘武愆

周寬世字厚齋湖南湘鄉人咸豐初從湘軍隸李續賓部下戰城陵磯花園半壁山皆有功擢千總從援江西攻廣信戰烏石山寬世出左路突陣爲諸軍先復其城擢守備破賊義寧擢都司回援武漢戰通城寬世馳斬馬賊三生禽七以遊擊補用從攻武昌六年李續賓夜出偵賊邏之雙鳳山突戰寬世潛繞山趾橫擊之賊敗奔又戰鷹窩受礮傷假歸果功擢參將賜花翎旣而羅澤南卒於軍續賓代將召寬世回營迭破賊於雙鳳山魯家港小龜山克武漢復大冶興國擢副將七年從攻九江破援賊於童司輝毀其壘賜號義勇巴圖魯破小池口賊屯會克湖口復彭澤賊由臨江犯興國寬世率千六百人擊走之八年回援湖北戰麻城西南斗坡山賊設伏以馬隊誘戰寬世待其近突擊之遂破其伏軍進克黃安而麻城亦下大軍克九江論功以總兵記名從李續賓進軍安徽戰楓香鋪小池驛克太湖潛山搗舒城寬世皆爲軍鋒十月進攻三河驛寶戰沒寬世歛餘衆守二日彈丸俱盡夜率親卒突圍受重傷是年冬授湖南

永州鎮總兵九年石達開犯湖南巡撫駱秉章令寬世壽新軍二千援祁陽破賊長慶橋又敗之長葉嶺進援寶慶屯城東連敗賊長沖口五里牌李續宜援師至會諸軍內外夾擊賊解圍走回剿永州土匪平之十一年擢湖南提督同治元年赴安徽助勦駐守桐城二年擒匪馬融和犯桐城擊走之移防六安皖北漸定調守安慶三年赴授江西克東鄉四年破羣軍叛勇追賊入廣東會諸軍殲賊於嘉應五年回湖南提督任傷發乞休光緒十三年卒

石清吉字祥瑞直隸沙河人道光二十一年武進士官三等侍衛咸豐初出爲湖北郎陽鎮守備從剿黃陂崇陽應城累擢參將克安陸京山皆有功以勇稱所統曰飛虎軍尋隸將軍都興阿軍常從多隆阿轉戰七年援蕪州拔太湖攻安慶八年由安慶退保宿松大戰破賊九年攻太湖十年大戰小池克太湖功皆最十一年安慶既下會諸軍克桐城同治元年從攻廬州清吉屯城西北破賊壘禽斬數千進毀賊柵樹雲梯攻城賊方死拒而陳玉成兵敗遽去遂由西門攻入克廬州清吉累以戰功賜號幹勇巴圖魯擢總兵加提督銜多隆阿督

師赴陝西以清吉統五千人留守廬州二年苗沛霖復叛廬壽開土匪蜂起清吉悉剿平之粵捻諸匪合擾豫楚之交清吉赴援湖北屯孝感黃岡拔難民近萬三年九月匪酋陳德才馬融和合犯蕪水圍副都統富森保於關口清吉率軍馳援會大霧賊馬步數萬圍集清吉進至樂山賊渡河抄後路圍數重截其四營爲二自辰至午血戰被九創隕於陣從戰死者副將江星南谷明發游擊曾占彪段會元事聞詔視提督陣亡例賜卹入祀京師昭忠祠予騎都尉世職設威毅建專祠

余際昌湖北穀城人咸豐初入伍勦匪積功至守備署撫標右營遊擊爲巡撫胡林翼所識拔七年從戰黃梅廣濟八年陳玉成自太湖竄蘄州際昌奉檄防皖楚之交敗賊南陽河毀賊壘三十餘禽賊日賊走英山追躡之復其城擄遊擊又破賊彌陀寺管參將李續賓軍覆三河潛山太湖復陷際昌屯英山因潛太之衝九年進拔天堂賊大舉來爭際昌敗諸王婆坳追至雞冠嶺而還再敗賊槎水阪斬賊千餘時大軍圍太湖急陳玉成糾黨十餘萬相持小池驛十年

正月際昌借金國琛由間道出高橫嶺與諸軍夾擊大破之遂復太湖乘勝會
攻克潛山擢副將署湖北督標中軍副將陳玉成自六安回援安慶霍山復陷
際昌借總兵成大吉擊破之復霍山加總兵銜十一年陳玉成入霍山自黑石
渡撲樂兒嶺際昌軍潰賊上竄黃州革職留營尋從克黃州率新募昌勝五營
援河南同治元年屯陳留捻匪厲集杞縣際昌馳擊大破之進拔焦趙二寨復
原官賜號偉勇巴圖魯十月攻捻於汝甯破平輿寨生禽賊酋陳文昭以總兵
記名僧格林沁嘉其勇令充翼長從勦渦河斬賊渠楊興太等二年春追破陳
大喜於阜陽吳老莊捻首張總愚竄侯集際昌會張曜夜襲之禽其黨獨角虎
周馬授河北鎮總兵夏逐賊楚豫間敗之麻城躡至方家寨中伏力戰受三十
餘創死之贈提督子騎都尉世職設威毅

林文察字子明福建臺灣人咸豐八年從剿臺灣淡水土匪捐餉助軍以遊擊
留福建補用十年九聖山匪郭萬淙掠建甯邵武間汀州龍巖匪胡熊擾南洋
永安文察隨軍進剿禽其黨百餘人郭萬淙遁據邵武上山坊文察合軍燬之

降其衆復破胡熊於東板土秦禽之擢參將賜號固勇巴圖魯十一年援浙克
江山管副將晉號烏訥思齊巴圖魯汀州連城相繼陷文察回援破賊金雞嶺
設伏敗之江防遂拔連城乘勝克汀州以總兵記名冬杭州既陷調援浙文察
領臺勇二千人駐衢州同治元年破處州賊屯而遂昌陷文察進軍逼之李世
賢自江山來援文察設伏大柘大厝及石練山之前後賊至擊走之夜賊來劫
營復爲伏兵所敗復遂昌進克松陽會總兵秦如虎攻處州賊棄城遁並克縉
雲授福甯鎮總兵尋擢福建提督二年臺灣不靖總督左宗棠令渡臺號召舊
部統領諸軍文察分軍攻彰化及斗六克之諭降諸莊賊渠戴萬生林懸辰遁
走三年破樵溪口賊莊斬其酋林傳毀張厝莊四塊厝賊巢戴萬生林懸辰並
伏誅粵匪李世賢汪海洋合陷漳州文察倉猝率二百人內渡遇賊萬松關歿
於陣贈太子少保子騎都尉世職諡剛愍本籍及漳州建專祠子朝棟光緒中
法兵犯臺灣陷基隆朝棟率家兵助戰有功捐鉅資賜四品京堂有聲於時
趙德光原姓張貴州郎岱人從副將趙德昌轉戰雲南德昌弟畜之故冒姓趙

氏拔補千總擢都司咸豐十年自領一軍戰獨山屢敗賊擢遊擊十一年賊窺省城德光擊走之又敗之羊場平寨設伏於主戎山籠殪賊無算擢參將賜號豪勇巴圖魯教匪踞玉華尙大坪以王下爲屏蔽德光率所部攻破楊義司郭家莊馬籠口賊營斷其援又破腰蘿溪新寨巖要隘進逼王下德光先登賊大潰救出男婦數千人擢副將同治二年墾芒匪首潘明杰由龍里窺伺省城德光迎擊三江橋賊敗走進攻甲秀閣賊巢遂克龍里舊縣補都勻協副將以總兵記名三年尙大坪匪撲省城德光與布政使龔自閔等固守賊尋退加提督銜署古州鎮總兵旋解清鎮圍克龍里廣順定番長寨以提督記名四年匪首何二久踞開州尙大坪擾近省州縣無甯歲德光選精銳過清水江勦之賊糾集苗匪教匪沿江以拒乘間過江攻開州德光固守十餘日殺賊八九百人乘勝追擊克沿江獅子地鎮江地三龍營賊屯進克濱江賊巢斬賊二千餘何二棄尙大坪而遁被優叙署安義鎮總兵五年署貴州提督攻克永甯解安順圍六年援定番乘雷雨破賊斬賊首許八十等平花山城屯拔底季賊巢晉號博

奇巴圖魯尋剿賊安平蘆荻哨深入賊伏中鎗陣亡詔依提督陣亡賜卹贈太子太保子騎都尉兼一雲騎尉世職諡剛節建專祠遺腹生子乘鈞襲世職復姓張氏

張文德湖南鳳凰廳人幼育於文氏從姓文名龍德入行伍隸鎮軍營咸豐初從剿江甯廬州叙把總六年從提督和春攻三河賊壘不下文德請獨身持檄諭賊降投誠者相繼至遂克三河七年從復鎮江擢都司八年從援福建下浦城松溪政和崇安賜花翎九年敘授浙江功首遊擊十年從張國樞解鎮江圍援賊復至文德扼水柵七晝夜賊引去擢副將自是從將軍巴棟阿提督馮子材守鎮江十一年補廣東羅定協副將同治元年賊屢攻鎮江皆擊退馮子材奏言文德力挫賊鋒重圍疊解實爲特出之材授貴州鎮遠鎮總兵賜號翼勇巴圖魯文德以生父年七十無子養父文氏有二子陳請復姓更名文德二年連破賊牧馬口薛村克柏林村賊壘加提督銜賊由東路來犯文德禦諸駭溪諫壁腹中礮腸出裏創而戰援軍至賊乃退又破之博洛村攻丹陽毀賊壘禽

賊目三年克白塊鎮及寶堰賊黨紛紛來降會鮑超攻丹陽招賊曾蔣鑑爲內應克其城斬賊曾陳時永禽賴桂芳以提督記名江南平予一品封典命赴鎮遠鎮本任四年總督勞崇光令募楚勇規荔波獨山丁父憂解職六年署貴州提督七年克開州破鼎照山賊砦克龍里貴定斬賊曾潘名桀餘賊多降被珍寶進攻平越禽金大五連克麻哈都勻賜黃馬褂曾號達桑阿巴圖魯請假歸葬親文德既去賊復熾八年回貴州以糧匪軍潰都勻復陷昭原之免讓署古州鎮十年授威甯鎮總兵督軍剿古州苗由九甲五臺山扁擔山及古州丹江分路雕剿年餘苗渠先後伏誅十三年全黔肅清予雲騎尉世職光緒元年加頭品頂帶擢貴州提督剿平黎平洞匪七年卒賜卹貴陽建專祠

論曰江忠源諸弟並從治軍忠義最爲傑出將大用而早沒時論惜之周寬世爲李續賓所倚無役不從及自將亦未著奇績石清吉余際昌陳大富林文察趙德光等皆久歷行間以死勤事張文德佐馮子材守鎮江功最著底定黔疆與有勞焉

清史稿

列傳二百十七

雷正綰

陶茂林

曹克忠

胡中和

周達武

李輝武

唐友耕

雷正綰字偉堂四川中江人由把總從軍湖北積功至游擊賜號直勇巴圖魯咸豐八年從多隆阿援安徽石牌潛山太湖桐城諸戰皆功最累擢副將以總記兵名十一年敗黃文金於蔣家山項家河江家河麻子嶺一月五捷授陝安鎮總兵同治元年克廬州以提督記名從多隆阿援陝西詔正綰先赴本任未至擢陝西提督幫辦軍務駐西安二年多隆阿既克東路令正綰規三原屢破賊會解鳳翔圍進援甘肅連戰靈臺鎮原皆捷三年破賊崇仁新城進逼平原會多隆阿卒於軍都興阿繼督師甘肅正綰仍奉命爲副克平涼斬賊首鐵西羽輕林賜黃馬褂於是固原踞賊悉竄龍山鎮追擊敗之賊回竄又陷固原正

綰疾趨蓮花城欲襲其巢穴遇伏受矛傷部下亡千餘人裹創攻蓮花城克之
詔嘉其勇四年春克固原進攻黑城子斬賊首黑虎克官橋李旺二堡禽賊首
木棍等乘勝薄預望城破下馬關牛角城賊壘進規靈州分兵解安定圍七月
偕曹克忠攻金積堡軍餉不繼爲賊所圍饑潰正綰自劾禡勇號黃馬褂黜州
辦歸總督楊岳斌節制正綰弟總兵雷恒及副將李高啓等以主將失職煽亂
犯涇州正綰不能制止憤欲自裁詔念前功不加罪責令整軍剿賊圖自贖命
巡撫趙長齡會楊岳斌按訊正綰縛送雷恒等置之法當事變初起謠詠紛沓
詔斥劉蓉張皇妄奏許正綰專摺奏事以慰之所部招集增募僅三千人五年
蘭州兵變回匪窺伺正綰支拄於平涼固原之間破賊於橫河川克平涼復黃
馬褂勇號六年左宗棠入陝督師正綰率軍助剿援慶陽七年兩破賊於長武
克黃家堡八年會攻董志原克之曾號達春巴圖魯又破白彥虎於李旺堡會
攻金積堡當西路屢克要隘合圍及馬化澂伏誅被優敘光緒十年法越兵事
起命率甘軍駐鳳凰城固邊防事定回任兩遇萬壽慶典加太子少保尙書銜

二十一年循化撤回倡亂督剿無功革職留任二十三年罷卒於家仍以前勞賜卹

陶茂林湖南長沙人以武童入湘軍轉戰湖北江西積功至游擊咸豐八年胡林翼調爲楚軍管官扼黃州破賊霍山舒城克建德擢參將十年從多隆阿破賊於桐城挂車河擢副將十一年破賊施家山禽其渠及克安慶賜號鍾勇巴圖魯克臚州先登以總兵記名遂從多隆阿西征破賊於武關從剿回匪解同州圍克羌白鎮王圍村賊巢功皆最授漢中鎮總兵鳳翔被圍久茂林率三千人往援連戰解圍擢甘肅提督粵匪出寶雞山口擾郿縣盜壓茂林要擊兩門鎮二嶺關迭敗之進克汧陽隴州遂正籍分道規平涼陣斬賊首木仲沅訥三等克之賜黃馬褂進拔張家川賊巢破龍山鎮蓮花城援賊解安定圍克金縣破賊惠城禽其渠黑牙古四年克黑城賊巢靖遠圍進攻會審所部索餉詳潰五營賊乘之六營皆陷茂林調後路四營來援突圍出退駐安定巡撫劉蓉疏陳甘軍積弊論茂林不羈茂林亦以兵潰自劾詔斥廢法營私以致兵

潰而叛遂罷職歸十年貴州巡撫曾燾光調茂林赴黔協剿復新城克安順賊巢平古州丹仁苗復原官光緒二年收復上江永從各城破六崗賊巢加頭品頂戴曾號愛星阿巴圖魯十六年署古州鎮總兵卒於官

曹克忠直隸天津人初投効湘軍嗣從多隆阿積功至都司咸豐十年令募五百人爲忠字營大破援賊於潛山太湖游擄參將賜號悍勇巴圖魯挂車河之捷擢副將克桐城宿松諸城以總兵記名同治元年克廬州後從多隆阿西征武關同州諸戰皆從二年攻羗白鎮克忠單騎往諭賊賊請降察其詐潛師會攻下之乘勝奪王閣村子一品封典尋率烏拉馬隊及楚勇七營屯長安鄂縣之間光泰廟爲入省要衝賊踞之以扼糧路克忠擊走之分隊清西路餘匪省城始安以提督記名授河州鎮總兵渡渭連破賊於白起營馬家埠白吉原邠州平陝回西趨三年平麟遊諸匪會援甘肅連破賊於西河口黑水峪赴河州本任克秦安解秦州圍賜黃馬褂四年攻肅何城及馬定嘴將臺隆德諸堡悉平克海城回匪併竄李旺堡同心城攻下之借雷正綰規取金積堡屯強家沙

窩數有斬獲輕進爲賊所包鈔正綰軍先潰克忠亦退因前功免罪授甘肅提督時陶茂林雷正綰軍相繼譁變回氛益熾自楊岳斌楚軍外僅克忠一軍與之相持克忠援鞏昌賊敗走又毀董家堡賊巢五年授洮州次李岐山回目馬芳乞降誅其酋丁重選等而還蘭州標兵變楊岳斌令克忠移軍鎮備克忠至人心稍定然糧餉俱竭乞病回籍十年詔起赴陝接統淮軍專防肅州十一年所部有結會匪者甘軍馬世俊騎兵亦變降捻多叛應克忠遣兵平之復乞病解軍事十一年署甘肅提督尋解職歸光緒九年命募六營防山海關十年授廣東水師提督十一年病罷食全俸二十年命治天津團練統津勝軍二十二年卒賜卹

胡中和字元廷湖南湘鄉人咸豐初從湘軍勦粵匪積功擢把總六年從蕭啟江援江西復袁州超擢都司賜花翎七年從克臨安中礮傷以游擊留湖南補用八年破賊上屯渡乘勝復撫州擢參將九年復南安擢副將石達開由寶慶竄廣西陷興安遣黨攻桂林自率悍賊屯大溶江中和從蕭啟江往援大破賊

於大涪江賊竄貴州境加總兵銜賜號伊德克勒巴圖魯十年蕭啓江率軍援四川中和從之啓江卒於軍中和偕何勝必蕭慶高等分領其衆剿滇匪李永和於井研連戰皆捷賊解圍遁以總兵記名尋授四川建昌鎮總兵十一年永和竄踞富順牛腹渡兩岸築堅壘背水而陣中和選銳卒沿河設伏自率願師誘之賊大出伏發截其歸路俘斬無算賊壘盡夷進解大邑之圍予二品封典駱秉章督師莅蜀檄中和偕緒軍援緜州滇匪藍朝柱在諸賊中最狡悍圍緜州日久軍至連破之圍始解又敗之西山觀朝柱竄丹棱與李永和合攻眉州中和馳援賊分路來撲中和突陣矛傷顙血股衣不顧奮擊破之解眉州圍進攻丹棱朝柱遁走復其城以提督記名同治元年擢雲南提督李永和自眉州敗後竄踞青神諸軍進剿數敗之永和遁健爲龍乳場負嵎死抗中和圍之壘石牆編木柵外浚深濠密布梅花格賊知必死突攻蕭慶高營中和截擊敗退連戰七日賊伏不出乃使降賊譚仁曲持書約降期會於猪市坡預伏兵賊巢旁永和與其黨卯得興數十騎來會伏起分攻焚其巢永和得興駭奔追禽之

降其衆五千詔嘉中和運籌決勝生擒渠魁賜黃馬褂石達開擾蜀邊中和偕蕭慶高何勝必合擊於橫江走之二年春達開復分路犯蜀自率大隊數萬由米糧壩渡金沙江中和督軍扼化林坪澗定橋擊破之賊走邛部土司山中達開旋就禽調四川提督三年破滇匪於敘永廳初李永和既誅餘黨竄陝西至是入甘肅陷階州四年中和偕總兵周達武往剿毀龍王廟三官殿賊壘逼階州城下掘地道轟城克之斬賊酋蔡昌齡盡殲其黨階州平被珍寶冬勦苗匪於建武腰中彈傷力戰敗之五年剿屏山賊解馬邊廳圍誅賊酋宋任杰等餘匪悉平十三年調雲南提督光緒二年抵任三年平騰越夷匪七年丁母憂歸里九年卒賜卹何勝必湖南湘鄉人咸豐中勝必應募入湘軍從蕭啟江轉戰江西廣西積功至副將從入蜀分統湘果右軍破李永和於井研又破之於資州陣斬賊酋王二官賜號禦勇巴圖魯十一年會破滇匪藍朝柱於西山觀又敗諸青衣壩解眉州圍追至青神禽斬甚衆授甘肅肅州鎮總兵同治元年會諸軍克青神追賊宜賓禽賊目周廷光偕胡中和誘禽李永和於犍爲龍乳場

二年偕蕭慶高援漢中戰油坊街不利漢中城固相繼陷革職留軍三年會攻法慈院賊壘再敗之牟家壩乘勝薄漢中城下捻渠陳得才遁走克漢中復原官又破陳得才於上元觀克城固進規階州四年卒於軍賜卹諡威愨蕭慶高湖南湘鄉人隸楚軍積功至副將蕭啓江援蜀調從軍以井研之捷賜號果勇巴圖魯破李永和於資州以總兵記名會剿藍朝柱解緜州圍同治二年偕何勝必援漢中油坊街之戰勝必先敗慶高赴援不及同革職留軍三年克漢中同復官追賊至城固梯城而入賊潰走四年進攻洋縣遣死士入城爲內應克之賊酋曹傑章走踞八里坪夾攻破之傑章就禽授漢中鎮總兵五年卒諡武毅楊復東湖南瀏陽人咸豐十年從胡中和援蜀十一年戰富順牛腹渡解大邑圍擢守備敗藍朝柱於緜州擢都司又破湖柱於崇慶燬石羊場焚賊巢擢游擊同治元年復丹棱擢參將克青神平鐵山賊壘禽李永和擢副將五年總督駱秉章疏陳復東歷年防勦滇黔諸賊功多以總兵記名七年授四川北鎮總兵光緒二年調雲南開化鎮六年卒

周達武字夢熊湖南甯鄉人咸豐四年應募入李續賓營從克岳州武昌累功擢守備戰湖口晉都司達武每戰陷陣手大旗盪決續賓異之使領百人曰信字營常爲軍鋒八年克黃安擢游擊賜花翎從續賓攻舒城達武率死士先登左耳受槍傷克城後留守俄續賓覆軍三河舒城守軍亦潰達武以創重回湖南九年石達開圍寶慶巡撫駱秉章令達武募五百人號曰章武軍從知府劉嶽昭援寶慶守東關屢拒戰破賊圍解擢參將十年援廣西克富川平古城連塘賊壘復賀縣擢副將加總兵銜石達開分黨犯永明柘牌連戰破之擢總兵十一年會諸軍克會同賊走湖北陷來鳳同治元年春從劉嶽昭攻克之子二品封典駱秉章督師四川調達武從剿抵涪州會賊酋周紹勇由大甯竄陝西達武扼之窄子口地當兩山間令部將李輝武踰險而入賊潰走追至大竹安吉場擒紹勇及其黨吳崇禮等檻送成都斬之賜號質勇巴圖魯又破郭刀刀於儀隴大儀寨陣斬其弟占彪及悍黨馬玉音追奔至巴州鼎山鋪禽刀刀餘黨皆降紹勇與刀刀並爲蜀中劇賊至是悉平授四川建昌鎮總兵加提督銜

二年護理提督粵匪陳德才圍漢中衆號十萬石達開亦由高縣走甯遠全蜀大震達武增募軍四千人往來遊擊三年得才之黨梁福成合川匪蔡昌齡由漢中竄甘肅階州達武議以剿爲防率師越境攻克江東水嚴家灣賊壘進攻階州自將台山穴地達城根地雷發城崩選鋒四百人先入大軍繼之遂克階州斬福成昌齡以提督記名並頒珍寶尋平松潘叛番授貴州提督仍留防重慶備滇邊三年剿平馬邊廳教匪斬匪首宋仕傑熊文才六年擒匪竄陝西左宗棠咨調會剿令部將李輝武率三千赴陝七年破越嶲探夷於普雄進克西昌交腳夷巢斬級數千諸夷悉降賜黃馬褂晉號博奇巴圖魯九年詔赴貴州提督任率所部六千人行沿途平苗砦先是貴州剿寇仰客軍出省城百里即莫能制馭達武與巡撫議增募至三萬人分任戰守由龍里進凱渡截上下游賊爲二復都勻分軍破賊永甯威甯十年遣鍾開蘭攻克麻哈州之高水塘等地數十砦遣何世華破粵賊李文彩苗酋李高脚於都勻獨山收復八寨三脚諸城並克鎮甯歸化及吳秀河班竹園諸苗砦復清平黃平二城始與楚軍席

寶田合十一年會席軍敗苗曾張臭迷之黨於茶牛坡斬馘甚衆降者數萬追至冷水清生禽賊曾餘黨李高脚李文彩竄荆蓬坎分三路追擊盡殄之旋破羣苗於清平香爐山寶田禽張臭迷苗疆平予騎都尉世職光緒元年乞病歸三年授甘肅提督十年肅州妖民王林倡亂高臺討平之斬王林十九年萬壽慶典加尙書銜二十年卒官賜卹建專祠弟康祿從達武剿賊廣西湖南歷保知縣同治元年從赴蜀破周紹勇擢知州四年從克階州擢知府從至貴州總理營務十一年下游肅清擢道員駐軍普安新城招撫流亡十二年會匪煽亂康祿督親軍百人往討衆寡不敵死之贈內閣學士予騎都尉世職諡壯節

李輝武湖南衡山人周達武部將咸豐中從剿粵匪游擢游擊十一年從入四川剿涪川鶴遊坪踞賊禽賊曾周紹勇郭刀刀輝武功爲多擢副將賜號武勇巴圖魯同治三年從援階州輝武由伍家坪進軍扼州城外北山條竹埡四年攻破橋頭里賊壘又破賊於孟家莊殲城外賊殆盡穴地破城輝武先登禽賊目蔡四巡部以總兵記名從討松潘叛番拔其巢尋攻黑河番焚芝蔴第五寨

餘寨皆降乘勝連破大松樹及竹自三寨以提督記名六年擒匪竄陝西輝武
率步隊五營赴援剿破汧陽隴州寶鷄諸賊西路肅清八年剿董志原竄匪斃
賊目王明章晉號福浚阿巴圖魯授漢中鎮總兵九年偕提督劉端冕分擊北
山回匪破霍三禹得彥於縣頭鎮陳村十一年擢甘肅提督仍留防漢中光緒
四年卒賜卹輝武在漢中久軍民相安疏濬府城東河道達漢川旁引溝渠以
資灌溉民食其利又修復襄斜棧道商旅便焉沒後士民籲請建祠從之

唐友耕雲南大關廳人咸豐中滇匪起陷賊至四川敘州自拔來歸從戰有功
授千總署通江營守備賊擾鹽井屢從戰擊走之擢守備十年戰峨眉索橋受
傷破賊雙福場進平天全茅山賊壘擢都司賜號額勒莫克依巴圖魯十一年
援潼川破賊解圍擢副將賂乘章督師至蜀檄友耕會諸軍援緜州令自石橋
鋪進攻友耕觀望不前被劾職留營既而會援眉州友耕軍先至戰比有功
聞解復原官戰青神陣斬賊目張興身被二傷裹創力戰賊大敗同治元年破
石達開黨賴裕新於邛州三月達開圍涪州友耕馳援解其圍授四川重慶鎮

總兵會諸軍復長寧賊引去是年冬達開屯敘州雙龍場分黨屯橫江友耕攻破江岸賊壘二年春賊由橫江竄新灘溪與屏山隔一水友耕慮賊乘間偷渡乃濟江設伏誘賊深入敗之六月達開謀渡金沙江官軍扼之不得進改趨天全土司地友耕擊沈賊筏達開奔老鴉漩復爲土兵所遏遂就禽友耕擢雲南提督留屯川南四年丁母憂詔改署提督友耕請終制許之七年服闋署四川總督崇實奏緩陛見令募勇防川北八年調赴雲南招降回寇李本忠等賜黃馬褂光緒六年署四川提督八年卒

論曰雷正綰陶茂林曹克忠皆多隆阿部下戰將多隆阿歿後甘肅軍事實倚三人以餉廣兵變遂難成功克忠較有謀略其軍獨全終以病引退後猶稱爲宿將胡中和周達武等皆以楚軍平獨寇唐友耕以蜀軍頡頏其間並躋專閫達武晚任貴州軍事與席寶田同定苗疆建樹較閔達焉

清史稿

列傳二百十八

郭松林

李長樂

楊鼎勳

唐殿魁

唐定奎

滕嗣武

駱國忠

郭松林字子美湖南湘潭人咸豐六年隸甘肅軍從援江西克安福從勦永新太和萬安蓮花廳龍泉筱獎把總進圍吉安府城七年石達開率悍黨來援邀擊於吉水三曲灘松林首陷陣多斬獲收復新喻峽江吉水八年隨克吉安擢守備九年克景德浮梁賜花翎十年圍安慶會勦陳玉成於小池驛進壁集賢關每戰皆捷十一年克安慶擢遊擊賜號奮勇巴圖魯克廬江無爲運漕鎮下沿江要隘擢參將同治元年李鴻章率淮軍八千赴上海松林從與偽忠王李秀成偽慕王譚紹洸破賊滬西會攻太倉礮擊城墮士卒爭進浮橋斷賊乘之死數百人松林力禦始得收軍二年克太倉松林敗賊茜涇支塘會克崑山

新陽以總兵川李秀成合水陸數十萬援江陰犯常熟劉銘傳謀乘賊未定擊之賊北自北湖南至張涇橋東自陳市西至長壽縱橫六七十里築壘馮河勢大熾銘傳進北湖攻其左松林進南湖攻其右周盛波等進麥市橋爲中路黃翼升以水師助之松林敗賊陳市越南湖趨張涇揮刀盪決血染衣盡赤賊大潰走銘傳盛波等同破賊自顧山以西皆盡以總兵記名尋克江陰以提督記名又破賊嶽山梅村麻塘橋松林受矛傷旣而蘇州無錫皆復加頭品頂戴三年克宜興荆溪敗賊建渚毀賊壘收溧陽解常熟圍授福山鎮總兵大破三河口賊營賊爭道六浮橋盡斷尸塞河水爲不流克常州進剿浙西克長興復湖州功皆最賊走廣德徽州合江寧杭州賊自江西竄閩四年李鴻章檄松林率五千人航海赴援克漳州漳浦雲霄詔安賊竄廣東嘉應遂破滅五年曾國荃調松林率新募湘軍剿捻匪於德安克應城雲夢復敗之皂河楊澤追至白口中伏松林傷足臥地不能起將卒不見松林復闖入陣負而出之弟芳鈺戰死松林以創重假歸六年創愈李鴻章令統萬人號武毅軍時東捻任柱已斃餘

黨走壽光松林要擊破之杞城賊沿海南走阻濶河捻酋牛喜子麾白旗賊犯劉銘傳軍賴文光麾藍旗賊犯松林軍兩軍縱擊賊大潰壽光民圩皆出助殺賊赴濶河死浮尸二萬餘俘萬餘人奪獲驘馬二萬匹賊酋徐昌先范汝增任定皆伏誅賴文光魁水南奔松林疾馳六百里追至清江文光死奔至揚州瓦窰鋪爲吳毓蘭所禽東捻平七年春西捻犯畿輔松林敗之安平再破之荏平自臨邑築長圍至馬頰河松林借潘鼎新王心安守之敗賊於海豐追至德州歷十六晝夜斬捕過半六月松林會潘鼎新大破之沙河俘斬四千捻走黃運徒駭河間松林與銘傳縱橫要擊張總愚赴水死西捻平賜黃馬褂予輕車都尉世職授湖北提督調直隸光緒六年卒於官優卹建專祠設武壯

李長樂字漢春安徽盱眙人同治元年以外委從郭松林隸淮軍充營官克柘林奉賢南匯川沙金山解松江圍復青浦擢千總戰四江口松林軍方泰鎮長樂率所部深入近賊壘夜半趨軍士起曰今陷賊中且明賊覺無得脫者盍出奇計劫之遂投火賊幕鼓角乘之賊驚擾長樂奮呼進大破之又設伏黃渡擊

之半濟又敗之吳淞江南四江口圍解擢都司賜花翎二年進屯常熟王莊援賊踞陳市阻官軍進路從松林自南瀾攻賊右連破賊營直趨長涇長樂陷陣傷脛裹創力戰敗賊擢參將賜號侃勇巴圖魯尋克江陰規無錫出新塘橋賊憑壘鳴礮俯擊長樂滿絮裹身越溝進敗之逐奔至亭子橋刺賊酋黃子隆中肩又設伏兵敗援賊李秀成圍大橋角營從松林往援奪其舟賊退走盡平梅村諸壘會諸軍圍攻無錫率輕騎掩至梯城入黃子隆就禽長樂獲其子德懋尋坐失察部勇褫職留軍進規常州援總兵唐殿魁於奔牛解其圍三年敗賊上湖橋克宜興復官移軍溧陽金壇戰皆捷回援常熟解其圍連破賊於楊舍華墅周莊三河口會攻常州四月合圍長樂先登賊酋陳坤書黃和錦就禽復常州擢副將賜號尙勇巴圖魯從松林進克浙江長興以總兵記名進湖州破呂山賊攻賊酋黃文金於尹隆橋官軍不利長樂率二營別屯李家港保糧道賊傾巢來爭長樂借易用剛夾擊之斬賊酋黃十四破尹隆橋遂復湖州四年春從松林援福建戰於海澄赤嶺松林分兵爲八隊長樂居中當賊首李世賢

破走之竄潭州長樂進屯古田據山東形勝賊悉銳力爭擊卻之復潭浦雲霄南趨詔安破之梅村復其城加提督銜福建平旋師江蘇屯鎮江督閩藩督師勦捻匪松林已歸長樂代將其衆以從兼統忠樸三營爲遊擊之師轉戰河南山東間六年李鴻章代國藩督師松林復至軍增松林軍至二十餘營號武毅軍長樂所部曰武毅軍前軍破任柱於贛榆要賴文光於雋縣長樂等併力奮擊賊兇水東走躡至余家寨賊受創甚鉅復要之壽光南北洋河巨瀾河間禽斬三萬文光竄揚州被禽賜黃馬鞋七年從勦西捻戰安平馬軍失利長樂等以步卒馳援賊大潰追至饒陽楊家村又要之深州李家村破其馬隊斬獲無算三月收賊大坯山援提督陳振邦於大河村解其圍追挫之荏平滄州援副都統春壽於海豐郝家寨六月追至樂陵禽總愚子正江弟得華戰商河槍傷總愚西捻平以提督總兵遇缺題奏曾博奇巴圖魯十年署湖北提督尋實授光緒五年調湖南六年調直隸近畿海防重要奏令長樂駐蘆臺扼大沽北塘門戶十五年卒官優卹諡勳勇

楊鼎勳字少銘四川華陽人咸豐二年應募從軍初隸湖北按察使李孟羣克漢陽擢把總七年隸提督鮑超軍八年戰湖口擢千總十年鮑超與陳玉成大戰小池驛鼎勳見玉成立陣中指揮獨從壯士十數人突前擊之玉成駭走復太湖潛山兩城敘功賜花翎李秀成踞黟縣鼎勳擊賊城下奪門入大軍繼之復其城十一年復建德擢都司破安慶赤岡嶺賊壘擢遊擊初小池驛之戰鮑超嘉其功令將五百人所向有功諸將嫉之譖於超同治元年李鴻章督師上海遂去超從淮軍虹橋四江口諸戰有功累擢副將募准勇千人號勳字軍屯金山張堰扼平湖乍浦要衝雷西洋槍隊每戰輒爲軍鋒二年破新昌賊壘連克楓涇斬賊四千生禽五百再戰西塘裏創奮擊大敗之擢總兵賜號鋒勇巴圖魯從程學啟規蘇州鼎勳攻下城外壘蘇州復加提督銜三年會克宜興荆溪溧陽解常熟無錫圍攻常州賊因蘇州之救降惟死守鼎勳以蜀人將淮勇懼諸將輕己每戰輒先晝夜環攻盡毀城外賊壘血戰三日造浮橋率死士先登城礮彈洞胸達背左右扶之絕而復蘇遂克常州以提督記名簡放創愈

進克浦口復長興招降湖州賊黨會克其城追賊至皖境克廣德四年借郭松林授福建攻烏頭門賊壘復漳州授江蘇蘇松鎮總兵五年調赴河南勦擒匪敗賊朱仙鎮躡擊至定陶睢寧六年破賊於黃陂孝威擢浙江提督調湖南十月破賊於山東濰縣追至夏灣賊酋陳懷忠乞降分軍出周家寨襲賊大破之追擊於諸城膠州東捻平論功子騎都尉世職七年馳授機輔破擒匪於安平追至楊家村降賊酋張志清借郭林松擊賊濬縣大邳山又敗之衛輝陣斬賊酋王建瀛僮八禽悍賊何士喜周久於龍王廟賊竄山東自德州趨天津鼎勦守運河修牆浚濠賊來犯輒擊走之會舊傷發遽卒數日而西捻平李鴻章疏聞贈太子少保諡忠勤建專祠

唐殿魁字燕臣安徽合肥人咸豐十年巡撫翁同書檄率鄉團援壽州力解城圍又從克合肥三河汎解六安圍敘千總同治元年李鴻章率淮軍援上海殿魁從隸劉銘傳克南匯川沙奉賢金山衛柘林五城積功累擢都司賜花翎二年克江陰揚舍汛城擢遊擊賜號振勇巴圖魯復江陰縣城擢參將尋克無錫

以總兵記名從劉銘傳攻常州銘傳受重傷令殿魁偕副將黃桂蘭督兵進甬至奔牛鎮而常州丹陽兩路賊虜至圍之殿魁據石營依河岸壁壘悉爲賊轟毀堅守二十餘日銘傳裹創往救殿魁從內夾擊苦戰數日圍始解三年克常州生禽賊首陳坤書以提督記名四年增募所部至三千人從劉銘傳渡淮勦捻匪破張寨賊壘五年授浙江衢州鎮總兵追賊至湖北克黃陂擒匪自山東回竄銘傳督兵追至烏官屯殿魁繼進殺賊五百餘六年調廣西右江鎮擒首張總愚竄安陸銘傳與鮑超約會戰於永漜河銘傳欲先出殿魁請少待不從超未至銘軍先遇賊部將田履安李錫增戰沒殿魁戰小挫受重傷及聞建軍大捷復裹創力戰遂殞於陣贈太子少保予騎都尉兼雲騎尉世職設忠壯建專祠

唐定奎字俊侯殿魁弟偕兄轉戰江蘇從劉銘傳勦捻於山東河南安徽湖北積功累擢副將賜花翎同治六年殿魁戰歿永漜河定奎方省母回里奔赴軍營殺賊復營遂代領兄舊部轉戰河南山東六年殄任柱於贛檢破賴文光於

壽光所部殺賊最多東捻平以提督記名七年從勦西捻於直隸山東賜號呼
敦巴圖魯銘軍凱旋告歸終養九年丁母憂劉銘傳赴陝西剿回匪調定奎接
統銘武軍定奎請終制命俟陝西軍事平回籍終制十年定奎回防徐州十三
年日本擾臺灣生番滋事船政大臣沈葆楨奏請援師李鴻章薦定奎率所部
往七月至臺灣駐鳳山擇險分屯總統番社引日兵與刺桐脚莊民尋仇相鬪
定奎示以兵威日人引去時疫流行士卒先後死千餘人定奎附循周至兵氣
不衰賜黃馬褂楓港獅頭諸社番屢出戕害良民光緒元年遊擊王開俊進勦
中伏死內外番社結黨劫殺各社就撫皆懷觀望定奎分遣七營屯東港南勢
湖白率四營當其衝葆楨檄諸軍並聽節制定奎上書陳兵事略曰逆番叢伏
莽中夜燉山頂精於標鎗伺間輒發專恃深林密箐狙擊我帥我進彼隱我退
彼見今欲掃其巢穴必先剷其荆棘宜增募土勇導引兵丁隨山刊木務絕根
株然後分道進兵草薙禽獮其有奸民接濟鹽米火藥者按軍法庶幾一舉可
以成功葆楨據以入告於是開山進兵攻克萃山竹坑本武諸社獅頭社猶負

險抗拒定李令諸將得險即守自勦獅頭兩社別遣師扼斷外援遂攻下之移營駐守被脅十餘社皆歸命給衣履酒食譯示朝廷威德咸受約束設招撫局示約七條曰遵雉髮編戶口獻囚逆禁讐殺立總目壘番地設番塾以龜紋番酋充諸社總目敕其酋從臺南大定詔褒獎命內渡休養士卒授直隸正定鎮總兵尋擢福建陸路提督沈葆楨調兩江總督奏統所部駐防江陰九年傷發乞休不允法越用兵事起海防戒嚴詔促力疾赴防十一年和議定病請開缺允之十三年卒優卹諡果介

陳嗣武湖南麻陽人咸豐初從軍湖北十年小池驛之戰功多超擢都司從攻安慶嗣武率所部扼要築礮壘壘未成賊突出萬餘來爭嗣武力擊破之十一年克安慶敘功擢參將同治元年改隸淮軍從李鴻章至上海解松江圍賜號偉勇巴圖魯屯北幹山扼賊衝賊犯寶山與諸軍夾擊破之進拔南匯以總兵記名二年偕程學啓規蘇州敗賊於正義鎮地當要衝以嗣武守之輔以水師分軍伏橋口伺賊崑山賊勢蹙敗西門遁伏起水師以巨礮環擊賊大潰立復

其城移軍會攻江陰賊自無錫來援連營數十柵壘碁布軍分三路進嗣武率
入營當中路攻麥市橋以輕兵伏河隄燃礮毀賊壘賊潰走追及之三巴橋礮
彈殆盡進次無錫城下賊首李世賢以全軍拒戰嗣武身先士卒怒馬突陣敗
之謝家橋又敗之蕩口賊退據朱王橋堅守嗣武出奇兵襲擊禽斬千餘加提
督銜既而克無錫以提督記名三年會攻常州破援賊於奔牛鎮攻下宜興荆
溪嗣武傷右股四月會圍常州嗣武當南門礮毀城垣克之七年從李鴻章勦
捻畿輔事平八年授湖北鄖陽鎮總兵十一年卒賜卹諡武愼

駱國忠安徽鳳陽人初陷於粵匪授偽職知賊必敗陰圖反正常熟久爲賊踞
福山與狼山夾江對峙賊設屯以扼後路國忠任城守同治元年李鴻章莅江
蘇兵威日振國忠因水師遊擊周興隆舉城薙髮降鴻章令興隆國忠選驍健
萬人分守水陸要衝以防蘇州竄賊福山守賊胡經元江勝海原約俱降國忠
遣人召之比至福山不得入國忠夜率兵往令其弟國孝攻其南自與興隆攻
其北斷賊登舟之路槍殪賊將侯得龍賊舟師遁走經元勝海殺賊渠數人率

所部出與國忠合國孝越重濂毀賊壘興隆等分兵盡拔許浦白茅徐涇諸壘
賊將錢壽仁亦自太倉率所部二千詣鴻章降總兵鞠耀乾率師船泊徐涇千
總袁光政入城助守十二月李秀成等以衆數萬自蘇州來攻連營十餘里國
忠乞濟師常勝軍五百人自海道往援而賊由江陰再陷福山聲援隔絕鴻章
令潘鼎新劉銘傳張樹珊以三千人趨福山與黃翼升水師並進福山城小而
堅攻之不下常熟被圍愈亟國忠斂兵入城興隆屯城西虞山相特角爲死守
計同治二年賊以礮壞城東垣國忠力拒不得入樹雲梯緣城亦擊卻之賊增
壘堀隧數道並進城危甚會鼎新銘傳諸軍急攻福山賊分兵赴援留者僅數
千國忠乃開城出戰毀賊壘禽其渠朱衣點福山既克諸軍來會城圍始解捷
聞優詔嘉獎擢授國忠副將加總兵銜編降衆爲忠字八營會攻江陰戰甚力
既克賜號勁勇巴圖魯署京口水師副將留守江陰三年破丹陽援賊以總兵
記名尋克常州以積勞傷發乞假歸五年從劉銘傳剿捻匪轉戰湖北河南山
東所嚮有功六年東捻平以提督記名賜黃馬褂九年銘傳督辦陝西軍務調

國忠從行十二年卒於乾州軍中賜卹設勇廟

論曰郭松林李長樂楊鼎勳滕嗣武皆由湘楚舊部改隸淮軍平吳平捻卓著
聲績唐殿魁淮軍驍將惜未竟功定奎席兄餘光名位轉出其上固有幸有不
幸哉賂國忠智勇堅毅識時爲傑當時名滿江南成績可紀也

清史稿

列傳二百十九

蕭啟江

張運蘭

唐訓方

蔣凝學

陳湜

李元度

蕭啟江字溶川湖南湘鄉人少賈於蜀後始折節讀書咸豐三年入塔齊布軍四年從平岳州克武昌漢陽興國大冶蕪州敘縣丞晉秩州同五年廣東賊犯湖南湘撫駱秉章檄啟江募兵協剿曰果字營自是獨將一軍攻茶陵踞匪率壯士數十人薄南門賊自民屢躍出攢矛環刺啟江手禽數賊賊莫敢逼尋會克其城賊走江西陷弋陽興安啟江偕羅澤南復兩城進收廣信賜花翎擢同知六年劉長佑援江西總統諸軍啟江屬焉駐師瀏陽賊陷萬載啟江大破之櫛樹潭大橋竹阜遂復萬載而崇通賊復犯瀏陽援賊大至撲營啟江鏖戰敗之躡至八角亭毀其壘會曾國華馳至偕由洪塘新昌上高擣瑞州前軍至登龍橋擊退袁州賊進攻新昌上高拔之擢知府進攻袁州啟江與長佑分地扼

賊長佑攻西南啟江攻東北盡平城外賊屯城惶懼啟江策臨吉賊必來接
設伏敗之盡奪其輜重尋破賊合山克分宜加道銜進攻臨江七年正月大捷
陰岡嶺斬其酋賊勢以孤乃潛約撫建新淦援賊趨太平墟犯長佑營長佑戰
失利營陷賊乘勢回犯陰岡嶺部將田興恕楊恒升突陣斬悍酋數人師從之
賊崩潰夷其壘四十七城賊窮蹙乞降而賊首仍負嵎死拒乃誘其出戰啟江
揮軍疾進薄城而登遂克之擢道員加按察使銜長佑尋以病歸劉坤一代之
啟江與進攻撫州連下宜黃崇仁撫州賊屯樟樹鎮將伺官軍渡贛襲臨江啟
江與坤一回擊大破之進次上賴距撫州十五里築壘甫畢賊至迎擊敗之進
攻高橋賊棄城遁追斬千七百有奇撫州復加布政使銜九年賊陷南安糾衆
數萬犯贛州踞新城墟及池江諸地時曾國藩督援浙軍啟江率所部從檄援
贛州啟江遣田勇三千誘賊賊爭出赴利啟江搥鋒直進斬級數千田勇者江
西募農夫防賊貪鹵獲倚湘軍無所畏集者四萬啟江曰衆而不整必敗禁之
不可遇伏果潰湘軍爲少邵部將胡中和力戰斷後復進敗之平新城墟池江

小溪鳳凰城諸賊壘賊退入南安南安故有二城夾水賊分屯相犄軍至皆棄而走啓江進屯城外青隴黃隴結壘自固令曰入城者斬有頃賊果還南城攻之敗走啓江曰賊狡而弱吾直驅之耳攀堞以登賊奪西門走追殺數十里賜號額圻斯圖巴圖魯進信豐會總兵遮克敦布攻吳家嶺啓江率中營進賊萬餘來撲擊敗之破先溪橋賊壘城兵出而夾擊立解其圍時江西郡縣皆復石達開由崇義竄湖南郴州桂所屬皆告警啓江馳防賊已由永州竄圍寶慶啓江自臨藍趨永州扼東安屯白牙市劉長佑李續宜解寶慶圍追至白牙啓江會軍夾擊禽其酋楊家庭馬繼昌於陣賊竄入廣西陷興安盡集悍黨大涪江退追師遣別賊直犯桂林啓江由全州趨興安復其城攻大涪江大捷解桂林圍以按察使記名移軍回湖南四川軍事急命啓江率師往援十年春甫至以疾卒於軍詔贈巡撫從優賜卹諡壯果湖南江西並建專祠其所部留四川駱秉章用以平賊焉

張運蘭字凱章湖南湘鄉人咸豐初從王鑫轉戰衡永郴桂積功擢同知六年

戰通城運蘭設三伏管前斬賊曾張庸忠禽魯三元克通城又大破賊于崇陽
白蜆橋賜花翎七年從王鑫援江西迭捷於臨江吉安樂安新城廣昌功皆最
王鑫卒于軍運蘭與王開化分領其衆吉安賊窺永豐運蘭屢敗之擢知府又
破賊於峽江橋阜灘獅子山移軍吉水扼賊三曲灘相持數日血戰十數次斬
賊渠黃錫崑渡贛江破石達開於朱山橋達開焚屯而遁遂解永豐圍擢道員
八年略定樂安宜黃逼建昌敗賊于厚坪破水南賊巢分勦南源裏塔墟劉家
坑直擣謝坑毀賊壘斬其酋廖雄高等復南豐建昌之圍始合五月克之加按
察使銜賊復犯南豐擊走之追及新城杭山降賊衆數千時詔起曾國藩督師
規浙江國藩行次江西賊已入閩疏調運蘭及蕭啟江率所部從會賊陷安仁
別將失利運蘭進擊大破之殲賊數千克安仁賜號克圖格爾依巴圖魯由杉
關進勦破賊順昌回援景德鎮戰於李村斬賊二千餘解散千計九年援饒州
敗賊于栗樹山克浮梁加布政使銜是年秋粵匪犯湖南寶慶運蘭回援疊破
賊於宜章星子市禾洞追至廣東連州破九陂石塘白虎墟賊巢殄賊逾萬授

開歸陳許道十年曾國藩軍祁門連蘭借鮑超破賊夥欵十一年克休甯擢福建按察使再復彭縣盡夷賊壘時運蘭統五千人防徽州尋移防畧國值大疫悍賊麇集與霆軍力拒之同治元年拔旌德二年命援廣東擣陽山石埜賊巢降其衆三千禽巨酋李復猷于連州三年赴福建按察使任時江浙逸賊衆猶十餘萬由江西入閩蹂汀漳二郡運蘭率五百人趨武平遇賊衆寡不敵總兵賀世楨王明高副將雷照雄皆戰歿運蘭被執罵賊支解之事聞贈巡撫子騎都尉世職諡忠毅武平及湖南廣東建專祠

唐訓方字義渠湖南常甯人道光二十年舉人大挑教諭咸豐三年曾國藩創水師訓方領副右營嗣改入陸軍從羅澤南克藩圻復武昌又從攻興國金牛堡國藩命募常甯勇五百人統之曰訓字營從克田家鎮蕪州廣濟拔黃梅進軍灌港敗悍曾羅大綱是夕賊謀襲大營訓方巡營驚覺賊退走明日攻孔籠街口訓方率壯士踏肩陟高墉諸軍乘之遂破孔籠五年從澤南援江西克弋陽興安廣信德興浮梁援義甯賊屯城外雞鳴鳳凰二山與城犄角訓方逼雞

鳴山下督隊先登賊營潰乘勝拔其城從澤南援武漢克蒲圻進攻武昌累擢知府賜花翎六年正月率三百人夜出鮎魚套至藕塘奪二壘又破援賊於豹子海會襄陽土匪高二倡亂圍府城巡撫胡林翼令訓方偕舒保馬隊往剿破賊於峪山援賊至又敗之進克樊城追至呂堰驛斬女賊宋氏援宜昌破賊於南漳權襄陽知府七年二月川匪劉尙義犯宜城揚言趨荆門而使南漳賊襲府城訓方備之急扼武安堰賊奔據武安城進攻之會都統巴揚阿來招降訓方進勦高二於璩灣乘雪夜進攻禽之而巴揚阿所撫賊復叛掠鄖房保山竹山竹谿保康興山訓方會陝西軍連破之武當山金頂斬其渠餘賊降襄郡悉定先以克武漢論功以道員記名至是加按察使銜授湖北督糧道陳玉成合捻匪犯蕪黃訓方自襄陽赴援連戰敗賊進屯張家塆胡林翼令於蕪州境內建礮卡訓方以二千人守之賊迭來攻皆擊退賜號奇齊葉勒特依巴圖魯調援臨淮尋以李續賓軍覆三河回防湖北屯陳德園九年會攻太湖賊圍鮑超於小池驛多隆阿不能救令訓方移軍近鮑營爲接應甫至築壘未就爲賊所

乘乃退屯新倉十年解軍事赴糧道任未幾連擢湖北布政使十一年胡林翼駐軍英山病甚賊上犯黃州抵漢口武昌震動說言繁興訓方處以鎮靜誅亂民數人人心始定漢口賊亦擊退同治元年安徽巡撫李瀚宜因母喪奪情請假回籍舉訓方自代命暫行署理苗沛霖反側久遂叛安徽諸軍皆不能制二年僧格林沁大軍至始平之撫循降圩收其兵械奏移鳳臺治下蔡雉河集增立渦陽縣都統富明阿奏劾訓方降調三年署湖北按察使尋署巡撫授直隸布政使兼統練軍出省防勦七年西捻平請開缺省墓光緒三年卒于家湖北請祀名宦祠

蔣凝學字之純湖南湘鄉人咸豐初在籍治鄉團五年從羅澤南克武昌樊國子監典簿六年率湘左兩管從巡撫胡林翼攻武昌屯賽湖堤引江水入湖合長圍進薄城下平賊壘十餘武昌復論功擢知縣從克黃州大治興國逼九江七年分統三營屯北岸陸家坊攻小池口屢戰皆捷都興阿檄攻童司輝童司輝背江據湖通黃梅要隘賊五六萬踞之至則賊數搏戰凝學堅持不退尋陳

王成來援衆議退兵疑學曰童司箝不克水師往來失所據九江之師亦掣肘勢所必爭請增兵千人皆濟合水師連日鏖戰破之平賊壘數十進克黃梅擢同知八年會攻九江府城疑學穴地道迤東而南地雷發壞城垣百餘丈從缺口入殲賊甚衆擢知府賜花翎連復麻城黃安擢道員十月李紱寶三河軍覆官文檄疑學問道遏剿會多隆阿鮑超擊賊於宿松花亭子破之賊退太湖潛山疑學駐防荆橋九年移屯黃州羅田會攻太湖十二月陳玉成大舉來援疑學移軍龍家涼亭與鮑超小池驛之軍爲犄角留四營遏太湖東門城賊出擊退之十年正月鮑營被圍急疑學進援甫拔營賊大隊來抄疑學揮軍截擊多隆阿率馬隊應之戰竟日禽斬二千餘乘勝攻羅山衝賊壘諸軍合擊賊大潰加鹽運使銜十一年陳玉成復犯湖北疑學回援武昌縣敗賊赤壁山下復其城會總兵成大吉等攻黃州數月不下招降賊目劉維楨復蘄州選出衆五百人爲忠義營使維楨詐稱援軍誘城賊出擊之遂克黃州以道員記名加布政使銜苗沛霖叛陷壽州疑學進屯六安克霍邱增募水陸軍苗黨姚有志潘壇

等乞降各圩多反正授甘肅安肅道同治元年移屯潁州二年粵匪李世賢北竄擬學移軍舒城擊敗之又追敗之六安賊引去苗沛霖復圍壽州擬學回援破賊於牛尾岡壽州尋陷擬學坐救援不力褫布政使銜仍駐防潁州會僧格林沁督師剿沛霖擬學克霍邱各圩水師分駐三河尖臨淮關進破黃梁集克潁上收附近城各圩斬賊黨苗呆和苗呆花復懷遠沛霖勢日蹙遂走死三年粵匪陳德才等糾衆三十萬自陝西回竄圍救江甯擬學屯英山遇賊金家鋪敗之賊復自麻城犯霍山擬學退石家嘴與按察使英翰相犄角伺賊過狙擊殪千餘人拔出難民數千英山解嚴復布政使銜進援湖北收復羅田蘄水麻城三縣解蔡家河圍賊復竄安徽擬學躡沿途襲擊繞出賊前遇之霍山長嶺庵路險賊不虞兵猝至多墜澗死降者三四萬賊首陳德才仰藥死簡降衆爲步隊五營馬隊三營餘悉遣散是年冬陝甘總督楊岳斌奏調擬學赴甘肅行次樊城會憲軍譚變擬學所部亦以欠餉不靖請於巡撫鄭敦謹借款資遣湘左八營留忠義營於湖北自請回籍養病命兩月假滿仍赴甘肅五年募湘

勇二千號安字營至西安巡撫劉蓉奏請擬學屯涇州兼顧關隴六月敗回匪於華亭與提督雷正綰總兵張在山等約夾擊深入被圍士卒死傷七百餘人總兵周太和周清貴副將黃德太等均歿於陣擬學潰圍出屯平涼轉戰而前至省城署蘭州道六年八月回匪犯蘭州守城兵僅擬學所部千餘人登陴固守屢出奇兵焚賊壘賊尋退以按察使記名八年署按察使九年復署蘭州道擢山西按察使光緒元年遷陝西布政使四年以病解官未行而卒賜卹贈內閣學士

陳湜字舫仙湖南湘鄉人咸豐六年曾國荃赴援江西招湜襄軍事從克安福萬安七年進圍吉安國荃奔喪去軍湜代領其衆尋以父憂歸八年從蔣益澧援廣西克平樂賊趨桂林湜率四營遏之於大灣車埠敗之乘勝刻蘇橋壘從攻柳州克潯州九年石達開圍寶慶湜募千人出祁陽赴援與李續宜夾擊破之十年曾國荃圍安慶使湜總軍事湜規地形請塌樅陽口蓄水阻援賊力扼集賢關從之賊酋陳玉成來援阻水趨集賢關擊破之十一年克安慶自是獨

領一軍循江而東會克諸城隘累擢至道員同治元年從國荃攻江南建議先併力九洲洲斷江北接濟先後會諸軍擊走李秀成李世賢援衆二年城圍合湜當西路克江東橋七壘橋紫金山諸隘賜號著勇巴圖魯三年六月克江寧湜入旱西門遇李秀成率死黨出走逆擊反奔尋爲他軍所禽以按察使記名四年授陝西按察使調山西擒匪方熾陳籌防五策建水師於龍門砥柱間五年擒曾張總愚謀渡渭湜令水師焚三河口浮橋督民團備渭北賊不得逞六年命湜駐汾州節制文武冬總愚乘河冰合竄入山西七年春犯畿輔湜以疏防褫職譴戍新疆巡撫鄭敦謹疏請留防冬陝回將乘隙渡河屢擊走之詔免發遣左宗棠西征檄湜率五營出固原斷漢伯堡賊南趨河州之道殲余彥祿餘黨於羅家嶮九年金積堡平復原官十年進規河州宗棠令湜盡護諸將渡洮進攻連克陳家山楊家山董家山諸回堡逼攻太子寺老巢破其外濠十一年提督傅先宗等戰歿賊乘勝來攻湜陽置酒高會密令總兵沈玉遂急擣之馬占鰲窮蹙乞降縛悍酋狗齒牙子等以獻河州平十二年叛酋馬桂源馬本

源踞巴燕戎格湜率軍進討二曾敗遁湜善視其孥遂因占蔽來降數其罪誅之並斬馬五麻諸悍目賜號奇車伯巴圖魯四月逾河收循化循化撤拉回素獮悍恃險擾邊湜深入其阻羣回縛悍目馬十八沈五十七等二十餘人獻軍前繳械受約束湜規地勢修城設官分管扼駐與西甯碾伯河州聲息相通焉尋謝軍事回籍光緒八年兩江總督曾國荃奏調統水陸諸軍兼治海防駐軍吳淞以私行游蕪被劾歸十二年復出統南洋兵輪總湘淮諸軍營務授江蘇按察使二十年遼東兵事起詔集舊部防山海關移屯關外鞍山站二十一年春進駐大高嶺遣將援遼陽和議成擢江西布政使命剿甘肅叛回未行復駐山海關二十二年卒贈太子少保湜從曾國荃最久後屢躉仕久不進世稱爲宿將光緒中命繪中興功臣於紫光閣徵集諸將之像湜與焉

李元度字次青湖南平江人以舉人官黔陽教諭曾國藩在籍治團練元度上書數千言言兵事國藩壯之招入幕五年國藩移軍江西令元度募勇三千屯湖口六年移屯撫州借江軍林源恩合防與賊相持久之餉絀分軍克宜黃崇

仁而賊自景德來援撫州賊出攻江軍營林源恩死之元度突圍出移屯貴溪防廣信七年賊二萬來襲玉山守卒僅七百人元度迎戰斷賊浮梁賊以步隊緩軍騎賊趨上游躡水渡乃回城拒守被攻兩晝夜元度立埤堦間彈中左頰賊忽罷攻鉦饒維作知其穴地道乃掘濠以防伺其穿隧及濠墮之賊技窮引去伏兵邀擊安仁弋陽廣信皆平元度先已累擢知府以道員記名至是加按察使銜賜號色爾楞巴圖魯八年率所部平江軍援浙江敗賊玉山子午口會克常山江山授浙江溫處道十年會國藩督師皖南調元度安徽寧池太道防徽州至甫三日賊由旌德糾合土匪散軍入績溪叢山關遣同知童梅華都司單綏福率千人往援敗挫賊趨郡城元度退走國藩奏劾褫職逮治會浙江巡撫王有齡奏調援浙元度不待命回籍募勇八千號安越軍將行粵匪犯湖南巡撫文格留其軍守瀏陽偕諸軍破賊請按察使銜並加布政使銜會杭州陷王有齡死詔左宗棠代之元度率軍入浙與李定太守衢州授浙江鹽運使署布政使國藩以元度罪未定不聽勘遽回籍復劾革職交左宗棠差遣言官再

論劾命國藩宗棠按治國藩奏徽州之火元度甫至情有可原宗棠疏言杭州失陷非因其逗留所致惟落職後求去索餉不顧大局論遣戍沈葆楨李鴻章彭玉麟鮑超等交章薦其才代繳臺費免罪歸同治初貴州巡撫張亮基奏起剿教匪以功復原官擢雲南按察使光緒八年丁母憂服闋補貴州按察使遷布政使十三年卒于官元度擅文章好言兵然自將屢領事所著先正事略天岳山館文集並行世

論曰蕭啟江張運蘭功在江西在湘軍中資勞最深中道而殞故卹典特隆唐訓方蔣凝學轉戰功多舊部散亡再出遂不競陳湜李元度皆躡而復起元度文學之士所行不逮其言軍中猶以宿望推之爾